



Մ ՈՒՐՐ ԶԱԿՈՐ

ԱՌԱՋՆՈՐԴԱՆԻՍ ԱՄՅՐ ԵՄ ԿԵՂԵՅԻ



ԲԱՐԵԿԵՆՈՒԱՆ ՅԻՍԱԱԿԻ ՊԱՀՈՑ

20 ՆՈՅԵՄԲԵՐ 2022

ԸՆԹԵՐՑՈՒՄ

ԵՍԱՅԻ ՄԱՐԳԱՐԷԻ ԳԻՐՔԷՆ

(29.11-20)

Չեզի տրուած այս բոլոր պատգամները փակ պիտի մնան այս գիրքին բովանդակութեան պէս, որ երբ կարդալ գիտցողի մը տան եւ ըսեն “Կարդա՛”, պիտի պատասխանէ. “չեմ կրնար կարդալ, քանի կնքուած է”. իսկ երբ անգրագէտ մէկուն տան եւ ըսեն “Կարդա՛”, պիտի պատասխանէ. “Կարդալ չեմ գիտեր”:

Տէրը կ'ըսէ. «Այս ժողովուրդը միայն խօսքով մօտիկ է ինձի. իրենց շրթներով կը պատուեն զիս, բայց սիրտով հեռու եւ կտրուած են ինձմէ: Զուր տեղը զիս կը պաշտեն, երբ իմ պատուէրներուս փոխարէն մարդոց հնարած պատուէրներն ու տեսութիւնները կը սորվեցնեն: Ուստի ես ալ զիրենք պիտի պատժեմ եւ իրենց միտքերը պիտի փոխեմ. իմաստուններուն իմաստութիւնը պիտի խափանեմ, խելացիներուն խելքը պիտի կորսնցնեմ»:

Վա՛յ անոնց որոնք կը փորձեն Տիրոջմէ պահել իրենց անօրէն խորհուրդները. վա՛յ անոնց որոնք ծածուկ ծրագիրներ կ'որոճան եւ մութին մէջ կը գործեն, ըսելով. “Ո՞վ քեզ պիտի տեսնէ, ո՞վ պիտի ճանչնայ մեզ կամ գիտնայ՝ ինչ որ կ'ընենք”:

Վա՛յ ձեզի, ո՞վ կամակոր մարդիկ, մոռցա՞ք որ դուք կալ էք եւ Աստուած է բրուտը. միթէ ստեղծուածը կրնա՞յ իր ստեղծիչին ըսել՝ “Դուն չստեղծեցիր զիս”, կամ արարածը կրնա՞յ իր արարիչին ըսել՝ “Զիս իմաստութեամբ չես ստեղծած”:

Ահա շատ ժամանակ չանցած Լիբանանը

Կարմեղոս լերան պէս պտղառատ պիտի ըլլայ, եւ Կարմեղոսը ինք անտառ պիտի համարուի: Երբ այն օրը գայ, խուկերն անգամ պիտի լսեն այն գիրքին մէջ գրուածները, եւ խաւարած կամ մշուշուած աչքերը պիտի բացուին ու տեսնեն: Աղքատները Տիրոջ ձեռքով մեծապէս պիտի ցնծան եւ յուսահատ մարդիկը ուրախութեամբ լեցուին, որովհետեւ բռնութիւնը պիտի ջնջուի, ամբարտաւանները պիտի կորսուին եւ անօրէնները իրենց գործած չարիքներուն համար պիտի բնաջնջուին:

ՊՕՂՈՍ ԱՌԱՔԵԱԼԻ

ՓԻԼԻՊՊԵՑԻՆԵՐՈՒՆ ԳՐԱԾ

ՆԱՄԱԿԷՆ

(4.8-24)

Իվերջոյ, եղբայրներ, խորհեցէք այն բաները որոնք ճշմարիտ են, պարկեշտ, արգար, մաքուր, սիրելի, բարեհամբաւ, առաքինի եւ գովելի: Եւ գործքով կատարեցէք այն ինչ որ ինձմէ սորվեցաք եւ ընդունեցիք, ինձմէ լսեցիք եւ իմ վրաս տեսաք. եւ Աստուած, որ խաղաղութիւն կու տայ, ձեզի հետ պիտի ըլլայ:

Մեծապէս ուրախացայ Տիրոջմով, որ վերջապէս ձեր միտքը ինկայ եւ ինձմով հետաքրքրուեցաք: Գիտեմ որ նախապէս ալ կը հետաքրքրուէիք ինձմով, բայց զայն արտայայտելու առիթը չունէիք: Ըսել չեմ ուզեր թէ բանի մը կարօտ եմ, որովհետեւ ես ունեցածովս գոհ ըլլալու վարժուած եմ: Զքաւորութիւն ալ ճանչցայ, առատութիւն ալ տեսայ: Վարժուեցայ ամէն տեսակի

կացութիւններու եւ պայմաններու. թէ՛ կուշտ ըլլալու եւ թէ՛ անօթի մնալու, թէ՛ առատութեան եւ թէ՛ չքաւորութեան: Ամէն ինչ կրնամ տանիլ շնորհիւ Քրիստոսի որ զիս զօրացուց: Բայց լաւ ըրիք որ ինծի օգնեցիք նեղութեանս մէջ: Դուք ալ գիտէք, ո՛վ փրկիպպեցիներ, թէ սկիզբը երբ ես Մակեդոնիա եկայ Աւետարանը քարոզելու, ձեզմէ զատ ոեւէ ուրիշ եկեղեցի չմտածեց իր ստացած հոգեւոր բարիքներուն փոխարէն նիւթապէս ինծի օգնելու մասին. մինչ դուք մէկ-երկու անգամ մինչեւ իսկ Սելանիկ զրկեցիք ինչ որ ինծի պէտք էր: Ո՛չ թէ ձեր տուածին մասին կը մտածեմ, այլ այն վարձատրութեան՝ որ ձեր հաշուոյն պիտի աւելնայ: Որովհետեւ ես ամէն ինչ ունիմ եւ աւելիով ունիմ, եւ Եպաֆրոդիտոսի ձեռքով ստացայ ձեր առատ նուէրները որոնք ոեւէ խոնկէ աւելի անուշահոտ եւ ոեւէ զոհէ աւելի ընդունելի են Աստուծոյ, իր կամքին համաձայն ըլլալով: Թող ամենառատն Աստուած ինք փառաւորապէս հոգայ ձեր բոլոր պէտքերը, Քրիստոս Յիսուսի ձեռքով: Յաւիտեանս յաւիտենից փա՛ռք Աստուծոյ, մեր Հօրը: Ամէն:

Ողջոյն տուէք Քրիստոս Յիսուսի միացած բոլոր հաւատացեալներուն: Իմ հետս եղող եղբայրները կը բարեւեն ձեզ: Ձեզ կը բարեւեն նաեւ այստեղի բոլոր հաւատացեալները, մանաւանդ կայսեր ծառայութեան մէջ եղողները:

Տէր Յիսուս Քրիստոս իր շնորհքը պարգեւէ ձեր բոլորին: Ամէն:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
(11.1-13)

Պատահեցաւ որ Յիսուս տեղ մը կ'աղօթէր: Երբ աղօթելը վերջացուց, իր աշակերտներէն մէկը ըսաւ. «Տէր, մեզի աղօթել սորվեցուր, ինչպէս որ Յովհաննէս իր աշակերտներուն սորվեցուց»:

Յիսուս ըսաւ. «Երբ կ'աղօթէք, ըսէք.՝
Հայր մեր [երկնաւոր],
սրբաբանուի՛ անունդ.
թող գայ արքայութիւնդ.
[թող կատարուի քու կամքդ,
ինչպէս որ երկինքի մէջ,
այնպէս ալ երկրի վրայ]:
Ամենօրեայ մեր հացը
շնորհէ մեզի օրէ օր:
Եւ ներէ՛ մեր մեղքերը,
քանի մեք ալ կը ներենք
անոնց որոնք մեզի դէմ
նոյնպէս յանցանք կը գործեն:
Եւ թոյլ մի՛ տար
որ փորձութեան մէջ իյնանք.
[այլ մեզ չարէն ազատէ]»:

Եւ ապա շարունակեց.

«Ենթադրենք թէ ձեզմէ մէկը բարեկամ մը ունի, որուն կը դիմէ գիշեր ատեն ու կ'ըսէ. “Բարեկա՛մ, ինծի երեք հաց փոխ տուր, որովհետեւ ճամբորդ բարեկամ մը տունս իջեւանեցաւ եւ ես հրամայեցիք բան չունիմ”։ Անիկա ներսէն կը պատասխանէ ըսելով. “Մի՛ յոգնեցներ զիս. դռները արդէն իսկ գոցած եմ եւ փոքրիկներս քովս անկողնին մէջն են. հետեւաբար չեմ կրնար ելլել տալ քեզի”։ Վստա՛հ եղէք, որ նոյնիսկ եթէ բարեկամութեան սիրոյն չելլէ եւ անոր ուզածը չտայ, սակայն թախանձանքներուն տեղի տալով պիտի կատարէ անոր խնդրանքը: Եւ ես կ'ըսեմ ձեզի. խնդրեցէ՛ք Աստուծմէ եւ պիտի տայ ձեզի: Որովհետեւ խնդրողը պիտի ստանայ, փնտռողը պիտի գտնէ եւ բաղխողին առջեւ դուռը պիտի բացուի: Ձեր մէջ կա՞յ հայր մը, որուն զաւակը ձուկ ուզէ եւ ինք ձուկի փոխարէն օձ տայ անոր եւ կամ կարիճ տայ՝ երբ զաւակը հաւկիթ խնդրէ: Արդ, դուք որ այսքան չար էք եւ գիտէք ձեր զաւակներուն լաւ պարգեւներ տալ, վստահ եղէք որ ձեր երկնաւոր Հայրը շատ աւելի լաւ պարգեւ մը՝ Սուրբ Հոգին պիտի տայ անոնց, որոնք իրեն կը դիմեն»: